

Ապա՝ խոսքը փոխանցվեց Կրաստանի գրողների միության նախագահ Ռեվազ

Բարձր մրցանակի հետ՝ հոբեյարին հանձնվեց նաեւ դրամական պարգեւ: Ու, իհարկե, նրան

Դիմելով Հոբեյարին՝ Կրաստանի ժողովրդական բանաստեղծ, հայ ժողովրդի վաղեմի

բարեկամ Ջանսուղ Չարկվիանին իր խոսքում նշեց, որ ուրախ է իր շնորհավորանքը հղելու՝ «Սիրով լեցուն մարդու, սիրով լեցուն այն թարգմանչին, ով գնում է Իսահակյանի, Գալակտիոնիի եւ այլ մեծերի ճանապարհով»:

Ապա հավաքվածներին ընթերցվեց Վրաստանում Հայաստանի արտակարգ եւ լիազոր դեսպան Յուրի Վարդանյանի շնորհավորական ուղերձը:

Հայաստանի գրողների միության նախագահ Էդվարդ Միլիտոնյանի՝ հոբելյարին հղված շնորհավորական ուղերձը ընթերցեց տիկին Մաղվալան:

Նշված ուղերձներում գնահատվում է Անահիտ Բոստանջյանի՝ երկու ժողովուրդների հոգեւոր միասնությանը նպաստող բարձր գործին մատուցած ծառայությունը:

Կիսելով պարոն Միշվելաձեի՝ ժողովուրդների բարեկամության թեման հաճախակի արծարծելու մասին գաղափարը՝ Վիրահայոց թեմի առաջնորդ Վազգեն Եպիսկոպոս Միրզախանյանը բարձր գնահատեց Բոստանջյանի՝ «Երկու ժողովուրդների միջեւ մշակույթի դեսպան լինելու եւ այդով՝ հայ ու վրաց ընթերցողին միմյանց ազգային մշակույթներին հաղորդակից դարձնելու գործում ունեցած ավանդը»:

Սրբազանը, ի շնորհակալություն՝ հայ-վրաց գրական կապերի ամրապնդման գործում ունեցած դերակատարման, հուշանվերներ հանձնեց Անահիտ Բոստանջյանին եւ Մաղվալա Գոնաշվիլուն:

Բանաստեղծ, «Ցիսկարի» հանդեսի խմբագիր Բաղաթեր Արաբուլին՝ իր գնահատական խոսքն ավարտեց Ա.Բոստանջյանի՝ վրացերեն թարգմանված «Վրացական պար» բանաստեղծության ընթերցումով:

«Մենք ունենք երկու՝ Վրաստան եւ պատմական Հայաստան հայրենիքներ, եւ մեր սիրով հզորացնում ենք նաեւ մեր Վրաստան հայրենիքը: Մեր բարեկամությունը ամուր է՝ մեր մարդկային բարեկամությամբ: Մեզ իրարից բաժանում չի լինի, որովհետեւ կան Ա.Բոստանջյանի, Մ.Գոնաշվիլու, Զ.Չարկվիանու, Ռ.Միշվելաձեի նման մարդիկ», - ասաց «Վրաստան» թերթի խմբագիր Վան Բայբուրթյանը:

Բանաստեղծուհի Սզիա Խեթագուրին հոբելյարի գործունեությունը համեմատեց լուսավոր ամպի, որն արեւի շող է Վրաստանի եւ Հայաստանի համար:

Բանաստեղծ, թարգմանիչ Գիվի Շահնազարը բարձր գնահատեց Ա.Բոստանջյանի՝ այսօր խիստ դժվարին՝ հրատարակչական գործունեությունը եւ նրան փոխանցեց Վրաստանում հայ գրողների «Վերնատուն» միության նախագահ Գեորգ Սնիսյանի շնորհավորանքը:

Պրոֆեսոր Էմմա Ախտյանի խոսքում հոբելյարը վեր հանվեց՝ իբրեւ իր գործին զարմանալիորեն նվիրված, կախարդական ուժով լի, գործունյա մի կին:

Վրաստանի հայերի միության նախագահ Հենրիխ Մուրադյանի բնորոշմամբ՝

Ա.Բոստանջյանի անսպառ էներգիայի աղբյուրը իր ծննդավայր Թբիլիսին է ու թբիլիսցի լինելը...

Մանկավարժ, Վրաստանի գիտության եւ կրթության նախարարության դեպարտամենտի նախկին պետ, պատմաբան Նորայր Բաղդասարյանը ներկաներին հիշեցրեց նաեւ Ա.Բոստանջյանի՝ երիտասարդ ստեղծագործողներին ընդառաջելու եւ հովանավորելու շնորհակալ աշխատանքը:

Հայտնի բանաստեղծ-թարգմանիչ Կամիլա Կորինտելլին շնորհավորեց եւ ընթերցեց Ա.Բոստանջյանի՝ իր կողմից ռուսերեն թարգմանված բանաստեղծությունը:

Հոբելյարին ջերմ շնորհավորանքներ բերեցին բանաստեղծ-քանդակագործ Բադրի Քութաթելաձեն, գրող-գեղանկարիչ Ռեզո Ադամիան, «Ինտելեկտ» հրատարակչության տնօրեն Կախմեզ Կուդավան:

Իրեն համար անսովոր իրադարձության մասին՝ Անահիտ Բոստանջյանը խոսեց հուզմունքով. «Այս իրողությունն ինձ համար նշանակում է, որ, մեկ անգամ եւս, պետք է

խոնարհումն էր բերեմ վրաց գրողների, վրաց հասարակայնության գնահատանքին... Այսօրվա ջերմությունն ինձ, նորից ու նորից, պարտադրում է լինել շնորհակալ՝ բարության համար, լինել շնորհակալ՝ վրաց պոեզիայի թագուհի Անա Կալանդաձե բանաստեղծի անվան մրցանակի համար... Վրաց ժողովրդից ստանալ այս մրցանակը ինձ համար ե՛լ պատիվ է, ե՛լ պատասխանատվություն... Ուրախ եմ, որ այսօր այստեղ են երկու քրիստոնյա ժողովուրդների՝ իմ՝ հայ ազգի եւ ինձ նույնքան սիրելի վրաց ժողովրդի ներկայացուցիչները: Ինձ համար սա սիրո օր է, ուրախության օր ...»: Թե՛ հոբելյարի, թե՛ մյուս ելույթներում արժեւորվեց նաեւ ՀԳՄ երջանկահիշատակ նախագահ Լեւոն Անանյանի կարեւոր դերը հայ-վրաց գրական փոխկապերի զարգացման գործում:

Երեկոյի բարեկամական մթնոլորտին մեծապես նպաստեցին վրաց էստրադայի կենդանի լեգենդ, երգչուհի Իրմա Սոխաձեի, Վրաստանի վաստակավոր դերասան Զուրաբ Կաբեշավիձեի եւ անվանի կոմպոզիտոր Վաժա Ազարաշվիլու՝ Ա.Բոստանջյանի պատվին կատարած երգերը, Պ.Ադամյանի անվան պետհայդրամայի դերասան եւ երգիչ Հենրիխ Պետրոսյանի, հայկական Սբ. Էջմիածին եկեղեցուն կից «Ներսես Շնորհալի» պատանեկան երգչախմբի (գեղ.դեկ.՝ Մարիամ Ագուլյան), ասմունքող Լիզա Թորոսյանի (ընթերցեց տառի՝ Ա.Բոստանջյանի բանաստեղծությունը), դերասան, բանաստեղծ Նիկա Քվրիվիշվիլու՝ հոբելյարի հայերեն ու վրացերեն հնչեցրած գեղարվեստական ելույթները:

«Վրաստան» թերթի խմբագրակազմը, միանալով շնորհավորանքներին, երկար կյանք եւ ստեղծագործական բեղմնավոր ուղի է մաղթում իր գործընկեր, առաքման եւ բաժանորդագրության ծառայության ղեկավար Անահիտ Բոստանջյանին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ